

心嚮往齋集

心齋先生集

心鄉往齋集卷五

曲阜孔繼鑠著

吳興劉承幹校

辛丑

仲冬之京雜詩十七首

少小愛閒寂軒冕無聞知忽忽嬰塵網去不復疑中
歲獲泉石容與山之湄自謂百年去從我心所嬉北風
滿天地浮雲高
空今日我何事乃與雲西馳

嚴霜斂水澤湖流化平陸地遠少村聚落日澹寒木牛
歸其家我亦田野宿燈火勸加餐愛我有童僕

忤威與欣天也多與寡不知中味腴焉識外榮假天
木葉盡凋四野惻惻行路難弗獲止我馬行吟
以行吟我獨何爲者

曰爲席上珍今墮風中塵塵中自寶貴乃不爲世珍吁
嗟出太璞琢磨潛苦辛際會豈有極庶幾葆吾真

八雪積我後驚沙起我前涉下戒摧陷升高虞傾顛所
豈不勞我躬亦云孱詎知心危苦百倍臨冰淵匹夫
天地中一步一凜然開口侈忠孝忠孝非空言

加路有近遠當別同酸思驅馬對妻子古人能捨之嗟
局問謁罷能不中依依亦復強宴笑道里從其宜親

在夢寐途人安得知

阿母執兒手兒跪牽母衣出門復入門再拜無言辭我
父遠送兒言邁黃河湄送遠豈有極心實與兒馳誰無
父母慈我親慈倍之慈顏照心目白髮垂如絲兒亦非
少壯顧復猶嬰兒

我有容膝屋啟戶當南天苔蘚照古壁庭草含晴煙南
鄰有嘉木蔭我牆西偏好鳥日夕來相與鳴關關出門
別我屋起坐三流連相向語蠨蛸慎毋塵蔓延

我有雕髹几置之窗南楹上列古初器事事難具名白
日坐其閒神智與光晶出門別我几拂拭難爲情在動

無復靜安得此平生

生不厭經史萬事等閒度有書不能讀顛倒我何故蒐
羅二十年萬軸苦心聚出門呼兒前一手與付癡兒
智力短讀之不能句阿父頗好學又復出門去

綜我舟車日往路不勝紀輒喜田園歸終身謝行李何
期出山遊道路從今始愚夫力所趨智者心所鄙我生
愚智閒艱難錯生理行矣復何言萬里看雲水

驅車不知遠野風吹浩蕩僕馬踐冰雪寒色起煙障我
吟大澤中白雲在天上荒山不知名相對兩惆悵

窮山有大鳥結念藏其輝倦爲天上遊肯作人閒飛境

來趣我走生事各有歸得與所親俱出處奚擇爲

少負飢渴志願言周九維振舌偶一吐坐任旁人嗤願
不遂我獲放浪山水涯負郭有薇蕨差足飽以嬉兒女
日以長親戚日以飢不能拯天下忍不贍所私一身徇
世俗中苦旁歡愉出門看天去滿眼雲低迷

我願升丹山手招青鳳凰靈羽應時出天下當泰康蔚
彼至靈鳥其德能深藏求之不可得四海空旁皇

亭障見旌旗浩蕩東阿渡車騎發青齊言往四明成府
兵天下雄威赫先道路路人聞兵來側足不敢步邑人
聞兵來重關塞其戶王師有程期父老莫震怖精銳

在約束再拜告都護

是非無定端於古實觀火天道信有常人事動相左僞
曲有時售拙直無一可曠哉攬時艱經濟太軼軻轉轉
我何言大地風揚簸

短歌九章八月十五夜作

白月未上天冥冥雲中有物翩無形似鳴且噤寂空去
有聲不願人閒聽江湖滿地波浪黑鼉鼉憑肆有奇力
萬里縱橫山上風高飛慎勿迷南北

搏雲擊浪東瀛東昌國乃在翁山中虎蹲寒碧蛟門赤
髣髴破碎遭天風生氣未復井邑在哀哀人語如寒蟲

大鳥覽之不敢下忉怛上征淚盈把

定海先於二十年五月爲英吉利占

去十一月夷往廣東空城收復二十一年八月十七日又爲夷匪奪去

珠江城南百草春城中百寶高峩岷卷髮睂目涎垂口

孰畀之燄馳舟輪羊城遮留大司馬虎門愴祀前將軍

悲淚如海不得瀉嗟爾大鳥胡爲者

廣州虎門失守逼近省城奕將軍隆

楊齊三參贊聽夷城下之盟分金議和復通貿易

戢戢翼翼西復東渤澥二載無春風杳冥日出不知處

墨雲遮斷搏桑紅將軍柔遠仁爲寶按兵坐視鯨吞飽

路頭五十化榛墟嗚呼顛顛厦門島

夷以貪壑未厭復攻厦門大肆搜括

而去

翻然遠駕黃河流將以盪滌余牢愁陽侯突出與我直
挽之不駐趨陳留繁臺摧頽似天墮杞人今日眞煩憂
憂端茫茫不知處百年誰似金隄固

今年六月河決開封

圃田大陸互長坂牛羊得芻牧者飯高陵松柏何丸丸
萬古行人此山巘乾維高蓋闕不言周流一顧一低惋
霑裳浪浪莫我知心識本兮日苦晚

朝發九閼夕四荒華宮宸路紛低昂微星飄渾不足數
大星灼灼爲紀綱迺知奔走萬牛毛當天嶽嶽哲士勞
萬里輓輅視氣力抱膝坐論徒啾嘈

有苗逆命兩階舞維商水祲遷邑土起事動眾古有之

作礪作舟弼與輔
宵旰胼胝闔闔開小臣再拜在草
莽安得手挽天河源不竭如我司農錢

林垞淒厲秋刁騷天駟出地三丈高丈夫生世會挺特
誰能百歲徇憂勞遯世不足爲巢許一命豈遂爲伊皋
盍歸乎來心鬱陶天風浩蕩吹蓬蒿

爲楚楨題江亭感舊冊子三首

春城送遙靄晚葉舞寒柯坐攬四運改君子心如何危
亭閱太古慘澹垂煙蘿日夕望雲嶺變滅何其多

往歲良宴會我亦爲上賓故人易凋謝誰者能松筠淮
山我所師高冢青嶙峋念子失雁序同我潛酸辛

贈子以瑤瑟欲別難爲音執手問來會江湖迴且深白
雲在天下出處無二心我去衡門居望子爲甘霖

晚與稼軒聯句懷質庵

那忍別君去風沙入夢魂分明淮上月照我客中樽湖
漲春應闊鄉心孰與論況聞閩海徼欲語復聲吞

題勞宜生雨霽看山圖二首

不改太行色幽巖春復秋雲光連帝苑王氣領神州
三載滄江臥重來上國遊玉泉山下路車馬日悠悠
蹇傲誰知我羈孤不厭山煙霞眞變滅木石耐蕭閒往
日徒看劒餘生合掩關壯遊謝同志絕頂讓躋攀

題家荃溪方伯澄臺觀海圖

東南無盡天以水爲厚地奇士空洞懷溟渤通神契往
夢三山遊心骨已清霽矧乃海上遊大象領超異臺澎
海門戶孤嶼展蒼翠崑身前導引崇爰後睥睨西通烏
潯源北控金門勢襟帶攬風濤人事忽如寄霾障窮所
天日月沐其際欄楯一杯勺中有鴻濛氣側聞百鯨鯢
負遠小跳沸厥性與人殊可制不可遂亂絲當斷之用
緩失經緯蠱毒敢潛長誰者階之厲芻饟煩司農旌旆
走大帥蠹茲那足殲毋乃聖躬頓萬古波濤居天
澤實漸被會當靖妖氛四極矚祥靄

題李古廉同年小影二首

騏驥無空闊虬龍有屈伸百年眞逝水何地著斯人
明月桃花塢空江楊柳春鄉思不可極旅宦耐風塵
春盡花無所風狂絮不勝問誰能獨立如爾信良朋
離聚又今日麤傭自昔曾飄飄江海去身世有漁曾
南歸有日海秋亦有津門之行詩以言別二首

良朋難再得遊子意如何往路幾時盡桑乾空自波
浮雲丹闕迴楊柳暮春多浩蕩南歸客蒼涼獨寤歌

巢穩鳥聲樂途長馬骨銷寸心能慘淡百歲豈蕭條
天地容眞隱詩書負聖朝高堂齊白髮孺慕戀漁樵

出都留別友人五首

一蜚鍛風翮百羣爲摧藏懼心與道力今古何茫茫古
有一是理而無兩相詳矜全自尊養嗟非道所臧今我
坐蒿堵昔與子連牆揖子在雲日精白天下望

黎月喬侍御

隆隆地川嶽浩浩天風靄沈厚得剛斷制事何恢恢排
雲望八極眷茲天下才君子在天壤麟鳳與徘徊麟鳳

不見世君子爲之哀

褚筠心侍御

瀟湘發孤吟恥與世同調流響入蒼冥顧我雲中笑老
漁海上立持竿不肯釣小魚無足取大魚非所好窈黑
駭濤中榮與辱相掉大海語瀟湘一靜納眾妙

湯海秋戶部

子能蓋我拙亦察我淵存我中之所存君心之所尊與
子雖朋友於愛實弟昆矧我無兄弟孤葛無依援當別
兩飄搖萬象鬱以煩旣別口無語贈子心中言思危乃
延泰窮顯無足論薄軀被天蔭人福有籬藩

葉潤臣侍讀

碧月障深海瑤葩叢荒榛羣羽有丹鳳誰復察其真翩
翩噤且鳴萬里難重陳我獨惜此鳥因依如一身同天
不同柯當邁復何云諸雛遮我前宛轉彌酸辛仰天誓
來世託體同本根同根信有時奈何今飄淪

韋竹坪兵部

海秋有江南之行過寶應口占四十字送之

牢落三湘客翩然淮海遊廿年京國夢來看大江秋莫

躡鍾山頂翻爲杞父愁文章與經濟慷慨問滄洲

晚與通甫聯句

促坐又今夕

通

高歌異去年霜旌沈海色

宥

野哭動江

天地僻多虛警

通

雲開望遠煙北征問鴻雁

宥

消息轉

茫然

通

烽戍八千里昇平二百年

通

驚心值戎馬蒿目有林泉

宥

聖主勞推轂邊兵盡控弦

通

莫令三輔地輕染百

蠻煙

宥

爲質庵題畫

雲出西曹北望遙南轅改轍太無聊如今輸與襄陽老